



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

XXIX La vie de sainte Marvella veufue.

---

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

29. *A Rome sur le chemin de Nomente, qu'on nomme de present Strada pia, les Saints Papias & Maur soldats du temps de l'Empereur Diocletian, ayans pour la premiere fois confessé la Foy de nostre Sauueur Iesus-Christ, furent par le commandement de Laodicie Gouverneur de ladite ville, battus sur la bouche à coups de pierre, puis mis en basse fosse, & depuis battus à coups de bastons & plombs, jusques à tant qu'ils rendirent leurs esprits à Dieu. Au mesme lieu endurerent Saint Cyriaque, Apronian, & leurs compagnons. A Peruse ville d'Italie Saint Constance Euesque receut avec ses compagnons la couronne du martyre sous l'Empereur Marc Aurele. A Edesse ville de la Syrie, Saint Sarbelie & Barbeas sa sœur couronnez du martyre, sous le President Lysius, durant la persecution de l'Empereur Traian. Au Diocese de Troyes en Champagne Saint Saminian martyr, decolé par le commandement de l'Empereur Aurelian. A Treucs mourut S. Valere Euesque. disciple de S. Pierre Apstre. A Bourges S. Sulpice Seuer Archeuesque dudit lieu, disciple de S. Martin, renommé pour ses vertus & doctrine. En Palestine deceda Saint Jacques Hermite, ayant long temps demeuré caché dans un sepulchre faisant penitence de ses pechez, & fait plusieurs miracles.*

30. *En Antioche endura Saint Hyppolite, lequel ayant esté deceu quelque temps par le schisme de Nouatus, & puis par la grace de Dieu se recognoissant, retourna au gyron de l'Eglise Catholique, pour laquelle, & en laquelle il endura un remarquable martyre. Estant sur le point d'estre executé, quelques uns de ses amis l'interrogerent, quelle secte estoit la meilleure; il leur respondit, detestant l'erreur de Nouatus, qu'il falloit suivre la Foy qui estoit preschée en la chaire de S. Pierre, & sur ce propos tendit son col à la mercy du bourreau. En Afrique endurerent les Saints Martyrs Felician, Philappian, & autres cent ving-quatre. A Edesse ville de Syrie Saint Barsimée ou Barsen Euesque, ayant conuertit plusieurs infideles à la Foy, les ayant conduits au martyre, les y suivit, durant l'Empire de Traian. Item Saint Alexandre, lequel venerable pour son age, & renommé pour auoir par plusieurs fois confessé la Foy Catholique, rendit l'ame entre les mains des bourreaux qui le tourmentoient cruellement. En Hierusalem Saint Matthias Euesque, duquel on raconte plusieurs choses admirables & tres-dignes de Foy, apres lesquelles ayant beaucoup enduré pour la Foy sous l'Empereur Adrian, il mourut en sainte paix. A Panie deceda Saint Armentaire Euesque & Confesseur. A Maubuge Monastere en Haynault, Sainte Aldgonde vierge, laquelle florissoit en sainteté sous Dagobert Roy de France. A Milan Sainte Saunne femme fort deuote mourut priant Dieu près des sepulchres des SS. martyrs Nabor, & Felix.*

LA VIE DE SAINCTE MARCELLE,  
veufue.

31.  
IAN-  
VIER



La vie de sainte Marcelle veufue tirée de ce qu'en a escrit le grand Docteur de l'Eglise saint Hierosme, qui fut son pere & maistre spirituel, en l'Epistre seizieme qu'il adresse à la Vierge Principia, est telle.

Sainte Marcelle estoit Romaine de nation, issue de tres-noble lignée, de Proconsuls & Prefets du Pretoire, mais elle se rendit encore plus noble, d'auoir foulé aux pieds la Noblesse pour seruir à Iesus-Christ en vraye humilité & pauvreté Euangelique. Elle perdit son pere, & tost apres son mary, avec laquelle ne demeura que sept mois, demeurant ieune, belle, riche, & tres-honneste. Cereal qui estoit lors Consul, Seigneur tres-riche & de grande autorité, desira de l'es-

poufer, & en fit de grandes recherches pour la ranger à sa volonté, disant qu'il ne la vouloit point tant pour sa femme, comme pour sa fille (car Cereal estoit desia aagé,) & heritiere de tous ses biens. Albine Mere de Marcelle estoit bien d'accord, & prioit sa fille d'y entendre, à cause du grand appuy & support qu'elle auroit du Consul; neantmoins sa fille n'y voulut iamais condescendre, au contraire, elle respondit, que si elle n'estoit point resoluë de consacrer sa viduité à Dieu, & qu'elle eust enuie de se marier, qu'elle prendroit plustost vn homme que des biens. Cereal repliquoit, que les vieux peuuent viure long temps, & les ieunes mourir subitement. Marcelle respondit subtilement, que le ieune peut mourir, mais que le vieil ne peut gueres viure: rompant ainsi ce pourparler de mariage, & fermant la porte aux autres. Elle vescu avec tant d'honneste, de rare modestie, & si retirée, qu'en la ville de Rome, qui estoit la commune patrie de tout le monde, & où la plupart menoient vne vie licentieuse & desbauchée, où il y auoit tant de langues mesdisantes, qui prenoient à beaucoup d'honneur de diffamer les autres, il ne se trouua personne qui osast ouuir la bouche, pour calomnier Marcelle (ores qu'elle fust veufue, ieune, & avec les autres qualitez que nous auons desia dites) ny qui l'eust voulu croire, si on eust mal parlé. C'estoit le miroir des veufues Chretiennes, qui par la candeur de son ame, de ses mœurs, & de ses habits apprenoit à viure avec les autres veufues, & la premiere qui leur fraya le chemin pour son exemple à la recollection, & qui confondoit les Gentils. Son vestement estoit honneste, & seulement pour couvrir le corps, & le deffendre des iniures du froid & du chaud. Elle quitta tous les ioyaux & dorures, & les employa à la nourriture des pauvres. Elle ne voulut iamais voir d'homme, encore que ce fust vn Prestre ou Religieux qu'en preference de gens. Elle auoit tousiours avec elle des filles, & des veufues sages, parce qu'elle scauoit qu'on donne ordinairement le blasme aux maistresses des seruantés. Elle ne se pouuoit lasser de lire, mediter, & estudier l'Escriture sainte, & auoir vne fois insatiable d'operer ce que le saint Esprit nous reueloit: estimant que ceux qui obseruent exactement ce que Dieu commande en la sainte Bible, meritent qu'il leur descouure la vraye intelligence de sa volonté. Cela fut cause que saint Hierosme estant venu à Rome avec les saints Euesques, Epiphane, & Paulin, quoy qu'il fust la frequenteration des Dames de la Cour, neantmoins Marcelle le fit tant solliciter, & importuner par diuers moyens de luy expliquer les lieux difficiles de l'Escriture sainte, qu'il ne s'en peut excuser. Cela se passoit de telle sorte, qu'autant de fois qu'il la voyoit, elle luy proposoit tousiours de nouvelles questions, & difficultez pour en tirer la resolution, & esclaireissement, vnt de plusieurs repliques afin de comprendre mieux les points: & elle fut si bien instruite du saint, que quand il partit de Rome pour se retirer en Hierusalem, Marcelle demoura comme la regente & interprete de ce

31. IAN-  
VIER

qu'elle auoit appris de ce tres-grand Docteur de l'Eglise; & lors qu'il se presentoit de la difficulte sur quelque passage obscur del'Ecriture, on auoit recours à l'explication qu'en donnoit Marcelle, avec tant de modestie, qu'on ne s'attribuoit iamais rien de ce qu'elle disoit, le referant tousiours à saint Hierosme, ou à d'autres Auteurs, comme celle qui sçauoit fort bien la doctrine de saint Paul, qui n'appartient pas à la femme d'enseigner, ains d'apprendre. Le mesme saint Hierosme dit que les ieunes de Marcelle estoient releuez, elle ne mangeoit point de viande, elle beuuoit vn peu de vin, à cause de la foiblesse de son estomach, & d'autres infirmitiez qu'elle auoit, toutesfois elle le trempoit si bien, qu'il ne sentoit point le vin. Elle ne sortoit guere souuent hors de sa maison, & se dispensoit des visites des Dames, de peur de voir en elles ce qu'elle auoit mesprisé en soy-mesme. Elle visitoit les Eglises des saints Apostres & Martyrs, mais secrettement, & aux heures qu'elle estoit asseurée de n'y trouuer personne. Pour s'adonner dauantage à la solitude, elle sortit de Rome, & s'habitu en vne sienne maison des champs: elle se rendoit si obeissante à sa mere, qui aimoit fort ses parens, & ceux de son sang, voyant qu'elle n'auoit point d'heritiers, elle vouloit donner tout son bien à ses nepueux, enfans de son frere, & Marcelle auoit intécion de le distribuer aux pauvres, toutesfois elle laissa ses ioyaux, & meubles precieux de sa maison à sa mere, pour les donner à ses nepueux, qui estoient desia assez riches, ayant mieux perdre, que de contrister sa mere. Il n'y auoit lors aucune Dame Romaine qui sceust que c'estoit d'habit ny profession de Religieuse, au contraire les grands auoient en mespris la vie & le nom de Religieuses; toutesfois Marcelle auoit entendu de saint Athanase la vie de saint Anthoine, & l'institution des Vierges & veufues qui viuoient en la Thebaïde, sous la conduite de l'Abbé saint Pacome, elle l'embrassa d'vne telle affection & volonté, qu'elle pria l'habit de Religieuse, & n'eut point de honte de faire profession de ce qui plaisoit à Iesus-Christ, & elle fut la premiere qui se voila dans Rome: depuis plusieurs autres Dames la suiurent, & l'on fonda plusieurs Monasteres de tres-pures Vierges, & de saintes Religieuses: de maniere que ce qui sembloit auparauant ignominieux, fut tenu pour gloire & honneur; la louange en est deü à sainte Marcelle, comme la guide & maistresse des autres, qui leua la banniere entre les Dames Romaines, & les incita par son exemple à la suiure. Je n'estime pas moins recommandable ce qu'elle fit pour defendre la sincerité de la Foy Catholique, & resister à ceux qui la voulurent infecter de son temps à Rome, où Ruffin estant venu avec la vieille Melanie, il publia & diulgua les liures d'Origene, intitulés les Principes, lesquels estoient farcis d'erreurs & de fausse doctrine, que plusieurs embrasserent, & l'affectionnerent comme vrais Ecclesiastiques, Religieux, sçauants & autres gens, d'autres croyans que ce fust vne science approuuée de saint Hierosme (ainsi qu'il

estoit dit en la Preface) Marcelle s'opposa à ce mensonge, & tascha de faire cognoistre la verité, sans laisser contaminer la pureté de nostre sainte Religion par des opinions nouvelles & extravagantes, elle escriuit à saint Hierosme, qui estoit en Hierusalé, qu'il eust à declarer s'il auoit quelque part en ce liure, qu'il recueillist & confutast les faussetez qui y estoient, ce que le Saint excuta par cet esclarcissement fait à la diligence & industrie de sainte Marcelle. Le Pape saint Anastase qui auoit succedé à Syricie, condamna ces liures d'Origene, & les erreurs dont ils estoient remplis, & les Auteurs qui les auoient apportez dans Rome. Mais que diray-ie de la patience, assurance, & constance que ceste sainte femme fit paroistre en ce naufrage si espouuentable de la ruine & destruction de Rome, quand nostre Seigneur, en punition des pechez de ces citoyens, la liura es mains de ses ennemis, reduisant en seruitude ceste ville superbe, qui auoit dompté & dominé tout le monde: Alaric Roy des Gots emporta Rome d'assaut, la saccoiea, & mit à feu & à sang. Les soldats brauaches & victorieux, entrerent dedans la maison de Marcelle pour la piller: la sainte les receut paisiblement, & sans s'effrayer, ils luy demanderent où elle auoit caché ses richesses, & elle leur faisant voir son pauvre habit, declara qu'elle n'en auoit point, parce qu'elle auoit volontairement choisi d'estre pauvre pour l'amour de Iesus-Christ. Les felons, & barbares soldats ne la croyans pas, aueuglez d'auarice, la battirent & fouetterent, sans qu'elle sentist les tourmens, & se prosternant à leurs pieds, elle les prioit à chaudes larmes de luy laisser vne sienne Damoiselle, nommée Principie, sa compagne, à laquelle saint Hierosme escriit la vie de sainte Marcelle, comme à vn tesmoin oculaire, de peur que la fille n'endurast ce qu'elle ne craignoit en sa vieillesse. Nostre Seigneur amollit les cœurs endurcis de ces soldats, & la pieté trouua quelque place parmi les espées sanglantes. Les barbares menerent Marcelle & Principie dans l'Eglise saint Paul, pour leur donner la vie, ou les mettre au tombeau: & sainte Marcelle extrêmement contente, remercia nostre Seigneur de ce qu'il auoit conserué ceste fille, & de ce que la captiuité ne l'auoit pas renduë plus pauvre, car elle l'estoit en telle sorte, qu'elle n'auoit pas du pain à manger, estant d'ailleurs si remplie & rassasiee de Iesus-Christ, qu'elle ne sentoit point la faim, & pouoit dire de parole & d'effect: Je suis sortie du ventre de ma mere, i'y retourneray tout de mesme: tout s'est passé ainsi qu'il a pleu à Dieu, son Nom soit benist. A quelques iours de là, sainte Marcelle estant saine, entiere & robuste, s'endormit en nostre Seigneur, laissant à Principie les pauvres heritiers de sa pauureté, fermât les yeux du corps, & ouurant ceux de l'ame. Rendant son esprit à Dieu, elle se soufroit des pleurs de Principie, la propre conscience luy portant tesmoignage de sa bonne vie, ioinct aussi l'esperance de l'eternelle, qu'elle commençoit à voir par la misericorde de nostre Seigneur. Sainte Marcelle mourut l'an quatre cens dix, qu'Alaric Roy des

31.  
IAN-  
VIER

31.  
I A N  
VIER

Gots, saccoya Rome. Le Martyrologe Romain assigne son iour au dernier de Ianuier. S. Hierome parle honorablement d'elle en plusieurs de ses Epistres, & le Cardinal Baronius es Annotations sur le Martyrologe, & au quatriesme & cinquiesme Tome de ses Annales.

A Rome les Saints Martyrs Cyre & Iean, ayans endure divers tourmens pour la confession de la Foy de nostre Sauueur, furent finalement decapitez. En Alexandria mourut saint Meuran Martyr, lequel, ayant este pris par les Payens, qui le voulient forcer de blasphemier, le refusa fort & ferme, par quoy il fut cruellement battu à coups de gros leuiers, eut la face & les yeux picquez avec des roseaux tres-aigus, & en fin conduit hors la ville, ou il fut lapidé. Au mesme lieu decederent les Saints

Saturin, Tyrse, & Victor. Item, les Saints Martyrs Tharsis, Zorique, Cyriaque & leurs compagnons. Item saint Cyre & saint Iean, qui eurent les testes tranchees pour la confession de la Foy. A Cyzique en l'Hellespont, dit aujourdhuy le Vieux de Troie, sainte Tribene Martyre ayant souffert divers tourmens, fut occise par un torcau. & ainsi martyrisée. A Madere ville d'Italie deceda saint Gemman Euesque & Confesseur, lequel fit plusieurs miracles. A Milan cite de Lombardie saint Iules Prestre, lequel mourut sous l'Empereur Theodose. A Rome, Sainte Marcelle veufue, les louanges de laquelle ont esté couchees par saint Hierome. A tel iour fut transporté le corps de saint Marc Euevesque de la ville d'Alexandrie prise par les Barbares, à Venise, où il fut tres-honorablement receu, & colloqué en l'Eglise dedice en son nom.



LA